



Concello de Vigo

**ACTA DA XUNTA DE GOBERNO LOCAL
Sesión do 6 de maio de 2021 (1015/1102)**

ASISTENTES:

Membros :

D. Abel Caballero Álvarez
D. Francisco Javier Pardo Espiñeira
D^a Elena Espinosa Mangana
D^a M^a José Caride Estévez (online)
D. Abel Losada Álvarez
D. Jaime Aneiros Pereira (online)
D^a Yolanda Aguiar Castro
D^a Patricia Rodríguez Calviño

NON ASISTEN:

D^a M^a Carmen Silva Rego
D. Carlos López Font

Na Casa do Concello de Vigo, ás quince horas e vinte e cinco minutos do día seis de maio de dous mil vinte e un e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Aguiar Castro, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Está tamén presentes por invitación, a titular do órgano de apoio á Xunta de Goberno Local, Sra. Campos Acuña.

A Xunta de Goberno Local adopta os seguintes acordos:

1(376)- RATIFICACIÓN DA URXENCIA.

A Xunta de Goberno local ratifica a urxencia da sesión.

Antes do tratamento dos asuntos para a súa aprobación, pola Secretaría do Goberno Local recóllese declaración expresa dos membros da Xunta de Goberno Local presentes na sesión de non incorrer en posible conflito de intereses, nos termos establecidos no modelo aprobado para a Xunta de Goberno Local por Resolución da Concellería Delegada de Xestión Municipal de data 24.02.2021, e de conformidade co Plan de Integridade na Contratación, aprobado pola Xunta de Goberno Local en data 12.12.2020, e o seu Desenvolvemento Operativo aprobado por resolución da Concellería Delegada de Xestión Municipal de data 17.12.2019.

2(377).- CONTRATO DE PATROCINIO PUBLICITARIO PARA A CELEBRACIÓN DO EVENTO DEPORTIVO “OPEN VIGO DE PÁDEL-WORLD

PÁDEL TOUR” ORGANIZADO POR SET POINT EVENTS S.A. EXPTE. 20470/333.

Visto o informe xurídico e o informe de fiscalización, ambos do 06/05/21, dáse conta do informe-proposta da mesma data, asindo polo xefe do Servizo de Deportes e polo concelleiro-delegado de Área, que di o seguinte:

I.- Antecedentes

En base as consideracións que se conteñen no informe de necesidade e idoneidade, de data 30 de abril de 2021, que consta no expediente, o Concelleiro delegado de deportes en data 30 de abril dispón que se inicie expediente administrativo para a execución dun contrato de patrocinio publicitario para o “Open Vigo de Pádel-World Pádel Tour” organizado por Set Point Events S.A.

O contrato responde ao exercicio das competencias municipais na medida en que os artigos 25.1 e 25.2.l. da Lei 7/1985 de 2 de abril reguladora das Bases do Réxime Local, e artigos 80.1 e 80.2.n da lei de Galicia 5/1997 de 22 de xullo de Administración Local de Galicia, os municipios poderán promover e realizar actividades para promocionar e difundir os valores sociais e culturais implícitos na acción do deporte.

No expediente tramitado inclúense os seguintes documentos:

- Informe de necesidade e idoneidade, asinado polo Xefe do Servizo de Deportes – Director deportivo, de data 30 de abril de 2021.
- Memoria xustificativa do contrato de data 06 de maio de 2021 asinada polo Xefe do servizo de deportes-Director deportivo.
- Prego de Prescricións técnicas particulares de data 03 de maio de 2021, asinado polo Xefe do Servizo de Deportes – Director deportivo
- Prego de Cláusulas administrativas Particulares, redactado pola Xefa do Servizo de contratación do Concello de Vigo con data de 06 de maio de 2021.

Paralelamente se está a tramitar no servizo de deportes o Expediente administrativo 20527-333 conducente á autorización de celebración do evento.

II.- Condicións definitorias do contrato

II.1.- Obxecto e natureza do contrato

O obxecto deste contrato é o patrocinio publicitario do “Open Vigo de Pádel-World Pádel Tour”, organizado por SETPOINT EVENTS, S.A., proba que forma parte do circuíto internacional de pádel “World Padel Tour”.

O expediente cualifícase de contrato de patrocinio publicitario de acordo co artigo 22 da vixente Lei Xeral de Publicidade, e se considera como un contrato privado, xa que o mesmo non ten cabida en ningún dos contratos recollidos no artigo 12 e seguintes da Lei 9/2017,



Concello de Vigo

de 8 de novembro, de Contratos do Sector Público.

En cumprimento do art. 28 da Lei 9/2017, de 8 de novembro, os aspectos relacionados coa natureza e extensión das necesidades que se pretenden cubrir mediante o presente contrato, así como da idoneidade do obxecto e contido, son os definidos no informe de necesidade, así como no do informe proposta que contén a memoria xustificativa do contido do contrato que constan no presente expediente, e consisten en satisfacer a necesidade pública de promover o deporte e promocionar e difundir a acción municipal en prol do seu fomento e dos seus valores sociais.

II.2.- Réxime xurídico e procedemento de adxudicación

Este contrato cualifícase como de patrocinio publicitario, de conformidade co disposto no artigo 22 da Lei 34/1988, de 11 de novembro, xeral de publicidade, e ten a consideración de contrato privado consonte ao disposto nos artigos 24 a 26 da LCSP.

Rexeráse, en canto á súa preparación e adxudicación, por esta lei e as súas disposicións de desenvolvemento, aplicándose supletoriamente as restantes normas de dereito administrativo ou, no seu caso, as normas de dereito privado, segundo corresponda por razón do suxeito ou entidade contratante. En canto aos seus efectos e extinción, rexeráse polo dereito privado.

O contrato adxudicarase conforme ao procedemento negociado sen publicidade, por canto, de acordo co artigo 168.a 2º LCSP, por motivos relacionados coa protección de dereitos de exclusiva o contrato só pode encomendarse a un empresario determinado, SET POINT EVENTS S.A., que ten a exclusiva do evento.

A forma de tramitación do expediente será a ordinaria, conforme ao disposto no artigo 116 da LCSP.

II.3.- Prezo e valor do contrato

A proposta fundaméntase, entre outros aspectos, nunha identificación dos valores de identidade da propia Cidade a través dun aspecto de interese social e de carácter universal e transversal como é o deporte, xa que este proxecto ven a destacar o gran valor de Vigo como cidade acolledora de grandes eventos deportivos de nivel nacional e internacional.

A valoración para o patrocinio se fundamenta nunha serie de accións que abarcan, ademais de todos os actos propios da organización do evento na cidade, actuacións de promoción previa e posterior á celebración do mesmo, que van dende a difusión preliminar do evento como parte do Circuito internacional World Padel Tour, que desenvolve probas en países diferentes, que busca a máxima dinamización do acto para o seu coñecemento, ata a difusión en redes sociais, cun seguimento de máis de 1,7M de seguidores a través de todas as contas oficiais do circuito, a celebración en total de case 2.600 partidos, e o propio acontecemento, que se desenvolve ó longo de 6 días nos que se celebran tanto a fase previa como as finais do torneo, e que, segundo os datos, alcanzan un retorno económico de 446.723€ de retorno estimado só en imaxe en medios de comunicación e RRSS.

A proposta para o desenvolvemento do contrato de patrocinio publicitario co Concello de Vigo, para o proxecto do "Open Vigo de Pádel-World Pádel Tour", establécese en 110.000,00 euros (ive incluído). O citado importe como orzamento base de licitación considérase adecuado en relación ó obxecto do contrato e a súa estimación, correspóndese favorablemente para o Concello de Vigo como Patrocinador, xa que polo orzamento definido o Concello de Vigo non tería capacidade propia para o desenvolvemento do proxecto obxecto deste expediente.

En consecuencia, o prezo certo do contrato, en cumprimento do artigo 102 LCSP, estímase axeitado en base ao **retorno** que obtén este Concello na difusión da súa imaxe, como expoñente deportivo de primeiro orde, que lle permitirá alcanzar e desfrutar dun alto grao de notoriedade nos días previos e posteriores ó evento nas diferentes insercións, ademais de que a cuantificación das mesmas exceden amplamente a cantidade finalmente aboada co contrato.

O prezo do contrato que servirá como base da negociación é dun total de 110.000,00 euros (ive incluído), sendo o importe do iva a cantidade de 19.090,91 euros.

O gasto terá unha imputación a aplicación orzamentaria 3410.2279901 (Patrocinio World Pádel Tour) do vixente orzamento para o ano 2021.

II.4 Aspectos do contrato obxecto de negociación

O artigo 170.2 da LCSP determina que no caso de que unicamente participe un candidato, o órgano de contratación, sempre e cando sexa posible, deberá negociar con el os termos do contrato.

O evento forma parte dun circuío internacional conformado por eventos que cumpren unhas condicións estandarizadas fixadas polo organizador que se han de cumprir en cada unha das sedes, o que impide a negociacións destas condicións xa fixadas.

Dada a natureza do obxecto do contrato, e dada a imposibilidade de negociar sobre o desenvolvemento da produción do evento, non existen materias que poidan ser obxecto de negociación, polo que non procede a mesma.

Pode considerarse que o prezo fixado no contrato é axustado, tendo en conta os cálculos e as referencias de tempadas pasadas detalladas na proposta presentada por SETPOINT EVENTS S.A., nos que fai referencia a un retorno económico de 446.723€ de retorno estimado só en imaxe en medios de comunicación e RRSS.

O único criterio de adxudicación será a redución do prezo do contrato.

II.5 Revisión de prezos



Concello de Vigo

Non procede.

II.6.- Esixencia de Clasificación

Non se contempla.

II.7.- Subcontratación

Admítese a subcontratación. Non se determinan tarefas críticas.

A subcontratación rexerase polo disposto nos artigos 215, 216 e 217 e a Disposición Adicional quincuaxésima primeira da Lei de Contratos do Sector Público.

II.8.- Prazo de execución e prórroga:

O prazo de execución será de oito días. O cómputo do prazo iniciarase o 09 de maio de 2021. Se o contrato se formalizase con posterioridade a esta data reducirase o prazo de execución, xa que o contrato rematará o día 16 de maio do mesmo ano. De acordo co obxecto do contrato, non se establece opción de prórroga.

II.9.- Modificación do contrato

Non se contempla.

II.10.- Responsable do Contrato

O responsable do contrato será a o Xefe do Servizo de deportes-Director deportivo.

II.11- Seguridade

O Adxudicatario deberá acreditar a posesión dun seguro de responsabilidade civil, que dea cobertura as actuacións propias do adxudicatario na execución das actuacións obxecto deste contrato, cunha contía mínima de 900.000,00 €.

II.12.- Condicións especiais de execución:

Considerarase condición especial de execución a obriga do contratista de estar ao corrente dos pagamentos cos seus subcontratistas e subministradores, así como a adopción de medidas pola empresa adxudicataria que favorezan a conciliación da vida persoal, familiar e laboral das persoas adscritas á execución do contrato.

II.13.- Causas de resolución do contrato:

Considerarase causa de resolución do contrato que este non puidera celebrarse por causa da situación de emerxencia sanitaria xerada polo Covid. Neste caso o contratista terá dereito ó aboamento do 3% do prezo do contrato.

II.14.- Solvencia

- - Solvencia económica e financeira:

Acreditarase mediante unha declaración do volume anual de negocios. Considerarase con solvencia económica e financeira aos licitadores cuxo volume anual de negocios, no ámbito do contrato, referido ao ano de maior volume de negocio dos tres últimos concluídos sexa, cando menos, igual ou superior ao valor estimado do contrato.

- - Solvencia técnica e profesional:

Deberá achegarse unha declaración do empresario sobre os eventos deportivos de natureza semellante organizadas nos tres últimos anos.

III.-Proposta

Previamente a efectuarse a proposta ao órgano de contratación, debe emitirse o preceptivo informe xurídico pola Asesoría Xurídica (apartado 8 da disposición adicional 3ª da LCSP), así como informe de fiscalización pola Intervención Xeral, de conformidade co previsto no artigo 116.3 da LCSP.

Por todo o exposto propónse á Xunta de Goberno Local que adopte o seguinte acordo:

Primeiro.- Aprobar a contratación polo procedemento negociado sen publicidade, consonte ao disposto no artigo 168 da Lei 9/2017, para o contrato de patrocinio publicitario do “Open Vigo de Pádel-World Pádel Tour”, a mercantil Setpoint Events S.A., como organizador exclusivo do evento.

Segundo.- Aprobar o Prego de prescricións técnicas particulares, redactado polo Xefe do Servizo de Deportes – Director deportivo, de data 03 de maio de 2021.

Terceiro.- Aprobar o Prego de cláusulas administrativas particulares, redactado pola Xefa do servizo de contratación do Concello de Vigo, con data de 06 de maio de 2021.

Cuarto.- Autorizar o gasto por importe máximo de base á negociación de dun total de 110.000,00 euros (ive incluído), sendo o importe do ive a cantidade de 19.090,91 euros.

· O gasto imputarase a aplicación orzamentaria 3410.2279901 (Patrocinio World Pádel Tour).

· O valor estimado do contrato, de conformidade co disposto no artigo art 101.1 LCSP é de 90.909,09 euros.

Quinto.- Abrir o procedemento licitatorio para selección do contratista na forma prevista na lexislación vixente de acordo o procedemento negociado sen publicidade.



Concello de Vigo

Sexto.- Exceptuar de someter ao control da Mesa de Contratación o procedemento negociado sen publicidade por razón de ser un contrato privado non requirindo ademais a consulta a ningunha outra empresa por ser un operador único, ao ser potestativa a súa constitución segundo artigo 326 da LCSP.

ACORDO

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. Presidente rematou a sesión ás quince horas e trinta minutos. Como secretaria dou fe.

ME.

A CONCELLEIRA-SECRETARIA DA XUNTA DE GOBERNO LOCAL,
Yolanda Aguiar Castro.

O ALCALDE
Abel Caballero Álvarez